

Schots Gaelic

Schots Gaelic of **Schots-Gaelisch**, *Gàidhlig* in de toale zelve, is e Keltische toale ofkomstig van Schotland. De toale makt dêel uut van de Goidelischn tak van de Keltische toaln en is lik modern Iers en Manx oontwikkeld uut 't Middel-Iers. 't Komt dus uutendelik van 't Oud-Iers.

Volgens e tellienge in Schotland in 2001 kostn der 58.652 menschn (1,2% van de Schotsche bevolkienge ouder of drie jaar) Gaelic klappn, 't mêest van al in de Hebriedn. Da wyst ip e doalienge van 7300 Gaelic sprekers vergeleekn mè 1991. Toch wordn der de latstn tyd efforts gedoan vo de toale te doen heripleevn en 't antal jonge sprekers is vermêerderd.


Schots Gaelic is gin officiële toale van d' Europeesche Unie en ook nie van 't Verênigd Keunienkryk, moa 't wordt wel aanzien lik e regionale toale in 't kader van 't *Europees Handvest vo regionale toaln of toaln van minderheeden*, geratificeerd deur de Britsche regerienge. Doaby ist er een officiële erkenninge van de toale met een officiële toalorganisoasje, de *Bord na Gàidhlig*.

Buutn Schotland bestoan der ook dialectn van de toale, lik Canadees Gaelic in Canada ip Cape Bretoneiland, Glengarry County in Ontario en g'isoleerde gebiedn van Nova Scotia.

Noame

Schots Gaelic wordt van tyd ook geweune Gaelic genoemd. In Schotland wordt dat uutgesprookn lik ['galɪk], buutn Schotland mêer lik / 'geɪlɪk/. Schots Gaelic meug nie verward wordn mè Schots, e toale die nauwe verwant is an 't Iengels en die 't mêest geklapt wordt in de Schotsche Lêeglandn.

Schots Gaelic



Geographic Distribution of Gaelic Speakers in Scotland (2001)
Percentage of Population over 3 years old in Civil Parishes speaking Gaelic

70 < 75%	40 < 50%	20 < 25%	6 < 10%
60 < 70%	30 < 40%	15 < 20%	4 < 6%
50 < 60%	25 < 30%	10 < 15%	2 < 4%

(All Civil Parishes in Orkney and Shetland below 2% Threshold)

Toalgebied Schotland en Canada

Sprekers 100.000 (60.000 moedertoale)

Toalfamilie Indo-Europees

- Keltisch
 - Goidelisch
 - **Schots Gaelic**

Stoatus

Officieel in Schotland

Toalorganisoatie Bòrd na Gàidhlig

Toalcodes

ISO 639-1 gd

ISO 639-2 gla

ISO 639-3 gla



Schots Gaelic ip e grafstêen



Twitoalige plakkoate, Schots Gaelic en lengels



Zie de Schots Gaelic uitgave van Wikipedia.



Ofbeeldiengn die ier by passn ku je vien in de categorie **Scottish Gaelic language** van Wikimedia Commons.

Overgenomen van "https://vls.wikipedia.org/w/index.php?title=Schots_Gaelic&oldid=302823"

Boovnstoand blad es vo de latste ki veranderd om 13:04 ip 10 nov 2019.

De tekst is beschikbaar onder de licentie Creative Commons Naamsvermelding-Gelijk delen. Er kunnen aanvullende voorwaarden van toepassing zijn. Zie de Gebruiksvoorwaarden voor meer informatie.